



## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Actio gratiarum pro Christi angustia & sanguineo sudore in horto, pro  
traditionis, captionis & ductionis ad Annam pontificem feritate. Cap. III.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Deinde gratias etiam ago tibi amantissime Iesu, pro stupenda & admirabili magnitudine dilectionis tuæ erga nos, qua sacrosanctum benedicti corporis & sanguinis tui Sacramentum instituisti, & id ipsum sub specie panis & vini sumendum discipulis tradidisti: hocq; à nobis in tuæ dilectionis, omniumq; beneficiorum, præsertim redemptionis nostræ memoriam præcipiens, fieri voluisti.

Mat. 26.  
Luc. 22.  
Ioan. 13.

Postremò, gratias etiam ago tibi Domine Iesu, quod discipulos ad dilectionem admonitos, sermonemq; dulcissimo consolatos, Patri, tam ipsos quàm electos omnes oratione ardentissima commendasti.

Ioan. 17.

*Pro Christi humilitatis in discipulorum pedum ablutione, charitatisq; in Sacramenti Eucharistia institutione, imitatione, & digna ad ipsum sumendum preparatione, Precatio II.*

**P**er hanc igitur charitatem tuam supereminentiſſimam obsecro te bone Iesu, ignosce omnibus iniquitatibus meis, & quicquid negligentiz, quicquid irreuerentiz, quicquid præsumptionis, quicquid delicti circa hoc tremèdum Eucharistia Sacramentum admisi, ea deleas charitate, qua te nobis donasti.

Accende etiam cor meum flagrantissimo huius Sacramenti amore & desiderio, ut quando & quotiescunq; tuæ maiestati placuerit, maximè autem circa vitæ mez extrema, ea humilitate, ea reuerentia, ea puritate & charitate, ea deuotione & intentione, quibus tu instituisti & sumi voluisti, merear ipsius sumptione contra omnes hostium insidias præmuniri, contra omnes aduersitates confortari, in gratia tua confirmari, tuo beneplacito conformari, amore tibi inseparabiliter vniri.

Sed & nunc pie Iesu, & deinceps omni tempore vitæ mez, ita me totum in te tui amore absorbeas & trāsmutes, ut pro nulla vnquam delectatione te patrem & Dominum meum vendam, sed in omnibus rebus creatis te vnum semper puro corde queram & diligam: & ad tui imitationem ut veraciter corde & etiam opere sine vlla simulatione aut amaritudine, tam in magnis, quàm in minimis, me semper promptissimum exhibeam omnium seruum, quid, cur, & à quo fiat, nihil discernens.

Insuper rogo efficias & dones, ut exemplo tui promptior, aut certè ex animo tam promptus sim, me aliquo modo contristantibus, ad verè amicitia exhibenda signa & obsequia, quam alijs quibusuis.

Postremò, ut laues meos viscosos animi pedes, ab omni terrenæ contagionis inquinamento, cosq; duplici accendas charitate vehementer peto, Amen.

*Actio gratiarum pro Christi angustia & sanguineo sudore in horto, pro traditione, captione & ductione ad Annam pontificem feritate.*

## CAPVT III.

**C**lementissime Iesu, pastor æterne, qui gregem tuum, vsq; in mortem diligens, Mat. 26. ut à morte illum eriperes, vltro in mortem te obtulisti. Siquidem cena facta, Mar. 14. & hymno dicto, ad hortum cum discipulis tuis exiisti: verum inter eundem que passurus eras tormenta præsentens: *Tristis est*, inquis, *anima mea vsque ad mortem*. Itaq; progressus paululum, & à discipulis segregatus, præ nimia cordis angustia in faciem procidisti, clamans ad Patrem: *Pater, si possibile est transfer à me calicem istum: verum amen non mea voluntas fiat, sed tua.*

Mat. 26.  
Mar. 14.  
Luc. 22.  
Mat. 26.



Hei bone Iesu, quam ineffabili & incomprehensibili pressura, & angustia, & anxietate amorosum cor tuum æstnabat, torquebatur, & nimis cohorruc: cum hinc ardore æstuantissimæ charitatis impelleretur, gestiens ad redemptionem animarum se totum impendere, illinc verò terribilium pœnarum, quas præuidebat imminere, concuteretur immanitate, profundissimoq; pauore, fieretq; in te amoris pariter ac timoris vsque ad extrema compugnantium agon, quo piissimum cor tuum aded angustiaratur, vt ex toto corpore membrisque singulis sudor emanaret sanguineus; & tantus quidem, qui non vestes modo, verum etiam terram (aded largiter pro nobis profluens) cui facie incubabas, humectaret.

Luc. 12.

Mar. 14.  
Matt. 26.  
Ioan. 14.

Matt. 26.

Ioan. 18.

Mat. 26.

Mar. 14.

In hac pressura pie Iesu, maiestas tua se aded humiliavit, vt Angeli quoq; consolationem, (qualemcumq; tum suo poterat domino seruus afferre) non respueres. Aded tua se resignavit humanitas, vt à Patris voluntate nunquam declinares, aded suorū curam tua habuit charitas, vt quasi tui oblitus, ab oratione surgeres, ac discipulorū tristitiam tuæ anteferres. Ad eos itaq; veniens: *Surgite*, inquis, *appropinquat hora, & qui me tradet, propè est*. Deinde hostibus tuis sæuientibus, & fustibus & gladijs te quærentibus, velut prædam innocentissimam te vltro obuium obtulisti, ipsiq; furiosis inimicis tuis verbi tui virtute prostratis, surgendi, atq; tui capiendi copiam tribuisti, proditorem tuum dulci osculo & benigno verbo ad pœnitentiam, & suam salutem inuitasti. Malchum truculentum hostem restituta sanitatis beneficio dotasti. Adoro igitur laudo & benedico te clementissime Iesu, pro hac tua tristitia, pro pauore, pro angustia, cordisq; pressura, pro cunctis gemitibus tuis miserabilibus, pro altis suspirijs, pro singulis & lachrymarum & sanguinei sudoris guttis: sed etiam gratias ago tibi pro humilitate, pro mansuetudine, pro charitate, & pro cæteris omnibus virtutibus, quas nobis imitandas in exemplum præstitisti & præmōstrasti, inter truculentos hostium aspectus, inter ipsorum conuitia & impropria, inter dura verba & durissima tormenta, quando insulta & horrendo clamore inuadebaris, capiebaris, prosternebaris, ligabaris, feriebaris, calcabaris, iugulabaris, traheris & trudebaris. Et sic varijs atq; innumeris cum blasphemiarum, tum pœnarum generibus agnus mitissimus à lupis dilaniabaris, atq; vsque ad Annæ pontificis domum propellebaris. Vbi ad interrogata tam prudenter, quam humiliter respondens, à vilissimo es seruo & obiurgatus, & alapa violenta in faciem cæsus.

Hinc dolori tuo accessit clementissime Iesu, discipulorum scandalum, paternum cor tuum dolorosissime vulnerans, qui miserabiliter à te diffugerunt, inter ferocissimos hostes te solo derelicto, quorum vnus desperauit, alius ter te negans etiam abiurauit.

*Aduersus dissolutam animi lætiam, omnemq; inordinatam tristitiam, pro vera abnegatione, suisq; plena resignatione, Precatio III.*

**P**Er immensam & flagrantissimam illam tuam charitatem, qua cuncta hæc non solum libenter, sed & ardentè subiisti, obsecro te dulcissime Domine Iesu, primo, vt omnem internam & externam lætiam & ineptias, atq; dissolutam animi lætiam pariter & omnem quoq; inordinatam noxiam & tristitiam à corde meo semper abesse, sanctam verò cordis compunctionem semper adesse facias: vt pœnitentiæ & amoris lachrymæ nunquam à meo animo recedant, sed cor meum totum liquefaciant: vnde omnes vires tam animæ quam corporis in te solum effluant.

Dulcis